


Avian-guyuq qalalaqijut

Makpigaat pikaktut ihuakhakhimayut May, 2023



! Qalalaqijuaqnaqtuq avian-guyuq qalalaqijut (HPAI) ilitugiyauyut hurajani Hanatami. Ukiuqtaqtumi inuit qauyimayariaqaqtut uumiga amirilugilu tikmijat aniarutiqaqtut avian-mik qalalagijunmik

Hunauva avian-guyuq qalalaqijut?

Hurajat aniarutiqaalaanuit avian-mik qalalaqijunmi avanmut. Aniarut hiamayalaanuaq qilamik, talva malguukpanik tuqugayuk tikmijak atautimi inigiyauyumi, tukiqaqtuq aniarut talvaniiniaquuqtuq. Tamaita aniarutiqaqtut tikmijat aniaqtuuyaaqtut.

Naunairutit qiniqtakhat **tikmijani**:

- kamahuinaqtuuyaaqtut
- hayuinaqtut aulaqliqhutikluniit
- puvipkaqtitit niaqumikni, quguhiniqmikni, iikmikniluniit
- aulaqliqtut igutaaruiqtuluniit
- qalaktutut, takyuqtut, aniqnagiqtitit
- itiktalaqiyut
- inuuhuigalaktut

Hunauva ihumaluknaqniga inuknut?

Aniqnaituq inuit niriyaagani uutiaqata timiap niqait maniilu. Ihumaluknaqniga inuit aniarutiqaaliriagani avian-mik qalalagijunmik maniqami tikmijanit ahiiniluniit uumayunit mikiyuq. Qayagiyaagani aguniaqtut imailiuqtukhaugaluit:

- algaqaqtukhat
- havajavut anuraaqniqmi inigiyauyumi
- uaqpaklugit algaktit iqmionmut unavyaktumulu immaqmut
- halumaqpaklugit kumaiyaqlugilu piqutit
- uaqpaklugit aalaniklu aanuraaqpaklutit hanaqitaaraagavit tikmijanik maniknikluniit

Hunauvat qajangnaqtut aalanun huradjanun?

Ihumaluknaqniga aalat uumayut aniarutiqaaliriagani avian-mik qalalagijunmik maniqami hurajanit mikiyuq; kihiani, qinmit maniqamilu niqainaqtuqtut (ajijutait tiriganiat, kivaluit, nannuut nattiilu) anialaqilaaqtut nirigumik aniarutiqaqtunik tikmijat timainik manihimainarumiklu halumaijuaqtuni inigiyauyuni. Pitquhitiaguyuuq agunahuaqtit naniriaqtuqtulu qayagikpata hanaqiliqata maniqamit niqainaqtuqtunik, qinmilu aktuqtaililugit aniaqtunik tuqugayunikluniit uumayunik.



Polar Knowledge
Canada

Savoir polaire
Canada

Canada

Hunanik qayagijutinik aturiaqaqit agunahuaruvit maniktariaqniaruviluniit?

Aniqnaituq agunahuariami maniqami tikmijanik maniktaruvalu malikupkit atuliquyauyut aaliuyumi. Piqalaaqmat avian-mik qalalaqijunmik hauniini iluliiniluniit manniit ivaliqtainik aniarutiqaqtut tikmijat. Aniarutiqaqtut tikmijat aniaqtuyaagilaaqtuq. Anigitaaqni hiamayagitaaganilu aniarut:



Hanaqitailugit niritailugiluniit tikmijat ahiiluniit uumayut aniaqtuuyaaqtut tuquhimayut qauyimanaitumit.



Ayuqnaitpat, hanaqivaklutit hilami, pualuhimalutilu (immalaitunik, qitutunik, ulapakniklu) niqiliqiluvit aguyauyunik tikmijanik hanaqiguviluniit maniknik aktuqngitaaqni aukmik, ananik aniqhaaktautainiluniit nuvaknik.



Akquqtailijugu akuliat niritailutilu, higaaqlutiluniit hanaqiluvit tikmijanik maniknikluniit.



Aviktuqlugit halumayut halumaitulu maniit katitiqtauliqata. Pitailugit maniit hiqumihimayut halumaijuuqtuluniit.



Halumaqtijavagit maniit halumayumut paniumayuvulu makpiraamik halumaqhijutumut, kalikumut, piluiyaunmuluniit. Uaqtailugit immaqmuqaqtailugiluniit maniit. Immaq ittiqtitilaaqtuq kumavaluknik maniup iluanut.



Uaqataqpajavatit algaktit qilamik hanaqitaaraagavit tikmijanik maniknikluniit. Iqmiut uunavyaktuqlu immaq nakuuniqhaq. Atulimaginiruvit iqmiunmik immaqniklu, atujavutit algakni kumaiyaunmik (60%-mik taagaqaqtumik).



Uatiaqpaklugit kumaiyaqlugilu tamaita piqutit qaagilu aktuqhiyut maniknik tikmijanikluniit. Atujavugit iqmiutiliqmik immaqmik hivuliqmi. Kiguagut iglumi halumaqhijutumik atujavutit uarutiniluniit avukhamik (25-milaliitamik talimanikluniit aluutinuamik malrukni liitakni iinikluniit qalutini immaqmi).



Iniriaruvit, aanuraagijavutit uaqlugilu uvaluniit aalanik aanuraaqlutit kamikniklu halumaiqniqata aukmit, anaqmit, nuvakmiluniit. Nuugaruvit akungani atuni timijat inigiyainit, piluiyjavakit nunavalukniklu kamikit aanuraatilu, aalaknik pualulutit atuqlutilu algakni halumaqtiturimi. Una hiamayagiipkutauyuq qupilrumik.

Ilagani ukiup qalalaqigitaaqni kapiyauguvit aniaqnaitqiyauniaqtuq inuit avian-miklu qalalaqijunmik atautikut, hatqirutaugitaaganilu nutaanik aniarutinik.

! Anialaqiguvit qalalaqijunmik aniaarunmik kiguani hanaqiniqmit maniqami tikmijanik, maniqamiluniit tikmijat maniinik ahiinikluniit uumayunik, uqaqvigijavat nunagiyaqni munaqhiquqvik kilamik ayuqnaitpat qauyipkaqlugilu aktuqhihimayaaqnik uumayunik.

Qanuq igavakpit maniqamit tikmijat niqainik maniktaqhimayunikluniit?

Aniqnaituq inukni niriyaagani igatiaqhimayunik
maniqamit tikmijanik maniknikluniit.
Mikhiyaagani ihumaluknaqniganik manihimajutit
avian-mik qalalaqijutimik ahiiniklu aniarutunik,
atuqniqatiaqtuq maligiami ukuniga
atuliqyayuyunik:

1 Igatiajavatit aguyayuyut niqait maniilu.
Qiqipkariagani tuqujutaugituq
aniarunmik!

- Niritailugit maniknik uhagatunik
ilainanikluniit uuhimayumik (ilua
immarikpat)
- Atuqtailugit uuhimagitunik
maniknik niqini igayaulimagituni
igavikmiluniit iganiagituni
- Niqi uutiajavat.
Aupayagajituqariaaqagituq niqaani
immavaluilu kuhiqtariaaqagitut

2 Malijavatit hunanikliqaa aniqnaitumik
niqiliqijutitik pitquhiyyut

- Uuhimagitut niqainait, ilraviit maniilu-ilikuuqtilugit
ahiinit niqinit avanmut halumaigitaagani
- Uajavatit algaktit hivuani kiguanilu uhimagitumik
niqiliqitaaruvit, ilraviknik maniknikluniit
- Halumaqtitiajavatit kumaiyaqlugilu niqiliqivitit pitutulu havakvigiyaqilu qaagit



UUTIAJAVATIT!

Niqainait maniiluniit → 74°C-mi (165°F-mi)

Tamaat tikmiaq → 82°C-mi (180°F-mi)



Qanuriliuriaqaqit nanihiguvit tuqugayumik aniaqtumikluniit tikmiaqmik?

! Takuguvit tuqugayunik tikmijanik, tikmijanikluniit tikmiaguyuyuaagitut, uqautijavat Anguhiqiyi nunagiyaqni.

Aktuqtailugit maniqami timijat tuqugayut, timijaluniit timiaguyuyuaagitut. Akturiaqaruvit maniqami tikmiamik naniyauhimagayunik tuqumayumik, atujavutit algaaknik palastiknikluniit puunuanik iluliriiklugik atujavutit. Aktuqtailugu timijap timiata immavaluit anailu. Uatiajavatit algatit iqmionmut immaqmulu atuqluniluniit algakni kumaiyaunmik (60%-mik taagaqaqtumik).

Avian-guyuq qalalaqijut naniyauhimagayut ahiini uumayuni. Akhuuqhaqtauginaqtutit uqariaqni takuniruvit uumayunik uumayuyuaagitut tuqumayunikluniit uumayunik nunagiyaqni Anguhiqiyimut.

Qauyimainaqlugit

1. Pivaklutit nutauniqhanik hivuniqhijutinik nunagiyaqni Anguhiqiyip Titiriaqvianit nunagiyaumilu Munaqhinit ataniqtuiyunit
2. Takujavat canada.ca/avian-flu-arctic

